

Колхоз

СЮРЕС

ВКП(б)-лэн Кезской Райкомелэн во райсоветлэн органзы.

Редакциялэн адресэз:

Кез поселок

Советской ульча 6 №-ро

корка, телефонлэн №-рез 25

Большевизмлэн могучой идейной оружиез

Кык ар ортчиз „ВКП(б)-лэн историезлэн Краткой курсэз“ потэм дырысен. Та замечательной книгалэн потэмез большевистской партилэн улоназ бадзым событиен луиз, Марксизмлэн-Ленинизмлэн областяз основно й знаниослэн энциклопедизы. Сталин эшлэн непосредственно к и в а л т э м у л с а з кылдытэм книга, асьме кадр'ёсмэс марксистско-ленински воспитать но политически закалить карон ужын бадзым роль басьтяз.

„ВКП(б)-лэн историезлэн Краткой курсэз“ нырысь ик поттэмын партийной, комсомольской, хозяйственной но мукет'ёсыз кивалтысь кадр'ёс понна вань партийной но не партийной интеллигенциослы. „Краткой курсэз“ поттэмын партийной, советской, хозяйственной но мукет кивалтысь кадр'ёсты политически закалить карон целен, куд'ёсыз занять каремын практической деятельностиен но теориялэн областяз туж лябесь на.

Партия но лично Сталин эш, котку подчеркивать карылызы та задачаослэсь первоочередностьсэ. Чтобы вань внутренней но международной обстановкыин свободно ориентироваться карыны но странаен кивалтон вопрос'ёсты сер'ёзной ошибкоостэк решать каронэз валаны понна кулэ тодыны, марксистско-ленинской теориез. Настойчиво но систематически большевистской теориез изучать карон асьме кадр'ёсмылы интеллигенцимылы юрттэ азинлыко быдэсьяны асьсэлэсь кивалтоно ужзэс.

„Краткой курслэн“ потэмез партимылэсь идейно-политической ужзэ выль ступене жутонын бадзым толчок сётыз. Миллионэн партийной но непартийной большевик'ёс кутскизы асьсэлэсь теоритической отсталостьсэ ликвидировать каронэз, кутскизы Маркслэсь-Энгельслэсь-Ленинлэсь-Сталинлэсь ученизэс изучать карыны. Уноезлэн кадр'ёслэн марксистско-ленинской наукаез самостоятельно изучать карыны осконзы юнмаз, политической но культурной кругозор'ёсы но паськытаз.

Нош та нырысь азинскем'ёсын буйгатскыны уг яра. Милем тодмо, что уноез кивалтысь кадр'ёс дышетскон борды кулээз'я бз кутске на. Та важнейшой уж борды пренебрежительно, поверх-

ностно, легкомысленно относиться карысько, изжить карымтэ на куд-огезлэн „занять каремын“, „дыр уг окмы“, „нагрузка бадзым“ но мукет нелепой ссылкаоссы.

Сое валэктны луэ, партийной организациослэн коммунист'ёссылэсь самостоятельно изучать каремзэс контролировать карымтэен гинэ. Партийной пропаганда ужын азыланьын азинскон'ёсызлэн основазы—марксизмлэсь-ленин из млэсь теоризэс изучать карысьёслы партийной организациосын контролез конкретной юрттонэн гердзаса нуон. Партия член'ёсын большевистской теориез дугдылытэк и мур изучать каронэз эскерон, партилэн уставезлэн куремез луэ, кудыз обязывать каре большевик'ёсты жадёнез шодытэк жутыны асьсэлэсь теоретической но политической уровеньзэс.

ВКП(б)-лэн Центральной Комитетэзлэн куремез'я, вань кивалтысь кадр'ёс, вань советской интеллигенция осознать кароно луэ, что социалистической строительстволэн вань отрасльсыныз шонер кивалтон задача кура, марксистско-ленинской теориялэн основаосыныз овладеть каронэз, кура валаны со теориян руководствоваться каронэз, практической деятельностиен вопрос'ёсты разрешать карыку.

ВКП(б)-лэн историезлэн Краткой курсэз“ Марксистско-Ленинско й теориялэн областяз основной знанилэн энциклопедиез луэ. Та основаосы изучать карыса, котку кивалтысь кадр'ёс асьсэсты человечествоен накопить карем выльсэ знаниосын узырытыны кулэ. Марксизмлэн экономической учениез, солэн исторической но философской наукаез, культура историез, естествознание, искусство, литература—ваньзэ таосты изучать кароно, чтобы луыны высококультурной, образованной марксистэн ленинецен, сталинецен.

„ВКП(б)-лэн историезлэн Краткой курсэзлэн“ кыктэти годовщинаез—Ленинлэн но Сталинлэн партиезлэн улоназ славной исторической дата, со эшино но эшино одиг полнапомянуть каре, вань партийной но непартийной кадр'ёслы ас бордазы упорно ужан сярысь. Коммунистической обществоез лэстыонь азылан вормон'ёслэн азинскон'ёсыз со бордын.



(Башкирской АССР, Кандрийской МТС) комбайнер'ёс Рахим но солэн кышноез. Зубарят Юсупов'ёс ярантэм „Коммунар“ комбайнез ремонтировать карыса нуналлы быдэ 20-25 га чибей арло.

МТС-ёсын кивалтонэз кужмоятоно

Кезской районьс Кезской МТС, арысь-аре бере кылысен лыд'яське вал. 17 июле туэ аре СССР-лэн Верховной Советэзлэн Президиумезлэн Указэз потэм дырысен МТС шодскымон ужзэ умоятыз. Со сярысь возматэ таце факт'ёс; МТС, кылем 1939 арын аслэстыз арлы тупатэм программаз 20 сентябрь азелы 38,4 процентлы сяна бз тырмыты, нош 1940 арлы тупатэм программаз 25 август азелы ик 38 процентлы тырмытыз.

МТС-ын, куд-ог умоесь кадр'ёс но будызы. ВКП(б) членэ кандидат Пантелеева Антониди Дмитриевна комбайнез зег араныз нуналлы быдэ 95-100 процентлы аран нормаэз тырмыт'ялыз. Со возматэз сое, что коткыче урожаез комбайнез убсркаез ортчытыны луонлы'ёс вань. Трактористка Хохрякова озимоез кизён улэ гыроньн нуналлы быдэ 180-200 процент нормаэз тырмыт'ялыз но 1-тй август азелы 380 трудодень выработать карыз. Озы ик етин ишкон машинаен комсомолка Чиркова 36 га норма интые 39,4 га етин ишкы.

МТС туэ аре зег кизыны почваез дасяня планзэ но 125 процентлы тырмытыз. Уноез МТС-ысь кошкэм тракторист'ёс али МТС-э ужаны лыктыло.

МТС-лэн куд-ог умоесь факт'ёсыз сяна уно тырмытэ уж'ёсыз но вань на. Кылсярысь, МТС-лэн 10 комбайн'ёсыз 6 сентябрь азелы 678 га сяна бз лэсты на, нош Тортымской бригадысь комбайн (Главатских) мырдэм 15 га тырмытыз.

Тракторист'ёс но комбайнер'ёс пдын трудовой дисциплина но ушыськымон ик овдла. Куд-ог тракторист'ёс но комбайнер'ёс СССР-лэн Верховной Советэзлэн Президиумезлэн Указэз потэм бере но, машино-тракторной станциялэсь ужзэ дезорганизовать карысьсэ, производственной процессэз тьясьсэ, наказать карытэк кельтэмын. Кылсярысь, комбайнер Жигалов 23 августэ Падезвай колхозын аракуз „Биккерлэсь“ валиксэ тяз

но, комбайн кык сутка сылыз. Чуриной бригадысь комбайнер Павлов, комбайнез юбо шоры мырзиз. Озы ик Гонкинской бригадысь комбайнер'ёс Ончуков но Поздеев „Хедерез“ ялэ дэмзытыса комбайнлэсь кутсась частьсэ стройысь поттызы но уно простой лэстызы. Тинь кыче рвач'ёс но производствын дезорганизатор'ёс шедьто лазейка, лишь бы машинаос медаз ужалэ.

Кузьминской бригадысь бригадир Бузмаков чидантэм ляб ужа, арлы тупатэм планзэ мырдэм 20 процентлы гинэ тырмытыз ини. Нош Бузмаков С. парез гырон дыре одиг единоличниклы усадьбазэ гырем, 10 манет коньдонэн но жыны литр винаен. Озы ке но МТС-лэн директорез Шевелев эш та аварийщик'ёслы но трудэ дезорганизатор'ёслы но кыче ужрад но овдл кутэм.

Нош 27 августэ Б-Кезской тракторной бригадысь тракторист Жигалов МТС-лэн механикезлы Максимов эшли ивортэ. „Плуг'ёс уг мыно, трактор уг ужа“ шуыса, но Максимов кылэм адзем ик бз кары. Куке трактор ужамысь дугдыз, шуыса кыктэтизэ иворттызы, соку гинэ Максимов вырзиз но бер луиз ини, подшипник'ёсыз тракторлэн куашканы вуиллямзы ни. Нош ик трактор сылоно луиз.

МТС-лэн директорезлы Шевелев эшли СССР-лэн Верховной Советэзлэн Президиумезлэсь 26 июне но 17 июле потэм Указ'ёсшэ шонер уж вылын быдэсьяно. Коткуд тракторной бригадын трудлы учет зол мед пунктэмын луоз.

Трактор'ёслы технической уход но бережной отношении обеспечить мед каремын луоз. Пырпоч ликвидировать кароно прогул'ёсты но опозданиосты. МТС ёсын коткыче бесхозяйственностьлы пум пононо.

Первичной партийной организация, кивалтон ужзэ но массовой уж нуонзэ кужмоятоно луэ, чтобы бере кылысь МТС-эз районамы азымынысен карыны.

Районной совещание

1 сентябре туэ аре колхоз'ёслэн правлениоссылэн но сельсовет'ёслэн исполком'ёссылэн председател'ёсыныз районной совещание ортчиз. Совещанилэн эскерон ужпум'ёсыз одиг вал—уборкалэн мынэмезлэн куд-ог итог'ёсыз но азыланьын сылысь задачаос сярысь.

Совещанин участник'ёсына ваньзы ик пусйызы, что зернвой культураосты уборкалыдыз'я результат'ёс умоесь ке но, туж ляб мынэ качество октон калтон. Тужгес ик районьн урод мынэ клеверез турнан но сое кутсан, комбайн'ёсын аран, кутсаськон но, государственлы ютысьсэ сётон, нош кын улэ гырыны уноез колхоз'ёс бз на кутскылэ. Та уж'ёсын тужгес ик бере кыско районэз: Б-Кез, Гонка, В-Югурт, Крлог, Бегиши, Пихтово, Липовка, Пеган, Уди, Тольен, Пужмезь, Полом но Лобаны колхоз'ёс куд'ёсыз чидантэм ляб ужало.

Совещание косиз вань колхоз'ёсты график тупатыса, азинлыко быдэсьяны кутсаськонзэ, государственлы ютысь сётонэз но ю кидыс кыстыонзэ, но озы ик кын улэ гыронэз. Та уж'ёсты дыраз бидэстыны понна коткуд колхозын кутсаськон машинаос комбайн'ёс но мукет важной уж'ёс борды тырмыт ужась калык вис'ямын мед луоз но мукет уж'ёсы соосты ысгонтэм вылысь.

Кын улэ гыронэз однок вакци дыр куспын быдэстон пошна, озы ик вис'ям калык мукет уже ыстэмын медаз луы, кын улэ гыронэз быдэстытозы.

Совещание озы ик пусйиз, что колхоз'ёсын пудо вордон фермаосты комплектовать карон'я правительствон тупатэм срок'ёс сорвать каремын, озы ик чидантэм ляб мынэ силос но веточной корм дасян. Совещание косиз вань колхоз'ёсысь председател'ёсты фермаоссэс комплектовать каронэз вакци дыр куспын быдэсьяны но скоро бадзым пудолэн коткуд йырызылы быдэ, быдэн кык тонна силос дасыны. Озы ик вань колхоз'ёсын али ик вис'яно строительной бригадоэ, чтобы толалтэ азе гид'ёсты умой ремонтировать карыса быдэстыны но гид'ёсты шуныг но чылкыт возыны.

Гектар вылысь 16,5 центнер

Ворончихино колхозын одиг гектар вылысь шорлыдын вераса 16,5 центнер зег шедэ. Али кутсаськон кужмо мынэ. МК машинаен 1352 центнер ю-тысь кутсамын ны.

Савинов.

Кез, Балезино, Кулига но Карагайской район'ёслэн уборкая соревнованилэн мынэмез. (30 август азелы—процентэн вераса)

Район'ёс	Гысё ютс арамьн	Кутсамын	Государстволы ю-тысь сётэмын	Етин вёл-дэмын	Зег кизе-мын
Кезской район . . .	95,2	36,2	57,8	75	100
Балезинской район	90	30	78	—	—
Кулигнской район	71,3	—	37,8	46,2	—
Карагайской район	51	—	20	68	89

Колхоз'ёслэн председательёссылы уждун тырон сярись

Удмуртской АССР-лэн Народной Комиссар'ёсызлэн
Советсылэн но ВКП(б)-лэн Обкомезлэн бюроезлэн
1940 арын 16 августэ

ПОСТАНОВЛЕНИЗЫ

Удмуртской АССР-ысь Народно-й Комиссар'ёслэн Советсы но ВКП(б)-лэн Обкомезлэн бюроез пукто:

Колхоз'ёслы рекомендовать кароно Удмуртской АССР-ысь колхоз'ёслэн председательёссылы уждун тыронлэсь порядоксэ но размерзэ таёе устанавить карыны:

1. Колхоз'ёслэн председательёссылы котькуд толэзь ужамзы понна уждун таёе тыроно: колхозлэн кизён плошадез, (сад'ёсты но ягодник'ёсты пыртыса) 100 гектарлэсь трос өвёл ке—30 трудодень, 100 ысен 200 гектарозь—45 трудодень, 200-ысен 400 гектарозь—50 трудодень, 401-ысен 500 гектарозь—55 трудодень, 501-ысен 700 гектарозь—60 трудодень, 701-ысен 1000 гектарозь—70 трудодень, 1001-ысен 1500 гектарозь—80 трудодень но 1500 гектарлэсь трос ке толэзяз—90 трудодень.

2. Толэзлы быдэ тырыны юнматэм трудоденьзы вылэ колхоз'ёслэн председательёссылэн ужам стажыны трудодень дополнительно начислять кароно, если колхозын председател лунса ужа ни 3-ти арзэ 5 процент, 4-ти ар-

зэ—10 процент, 5 ар но солэз трос ужасьёслы—15 процент.

3. Колхоз'ёслэн председательёссылы ужамзы понна коньдонэн тырыны луэ колхоз'ёслэн обшой собранизлэн пунктэмзы'я таёе размерен, нош та расход колхоз'ёслэн сметазы учкемын мед луоз: колхоз'ёслэн денежной доходзы 25 сюрс манетлэсь ичи ке толэзяз—25 манет тыроно, 25-ысен 50 сюрс манетозь—70 манетозь, 50-ысен 100 сюрс манетозь—100 манетозь но 100 сюрс манетлэсь доходэз трос ке—150 манетозь.

4. Колхозлэсь денежной доходэзлэсь суммазэ пыр-пochtодычозь, колхоз'ёслэн председательёссылы коньдонэн тырыны тупатэм лыдысь толэзлы быдэ 10 процентсэ гинэ тырылоно, нош кылемзэ—90 процентсэ, ар бырем но годовой отчетэз Исполкомлэн Райсоветаз эскерем бере тыроно.

Удмуртской АССР-лэн Народной Комиссар'ёсызлэн Совет'ёсылэн Председателэз

ТРОНИН,
ВКП(б)-лэн Удмуртской Обкомезлэн Секретарез
ЧЕКИНОВ.

Малы кружок'ёсын занятиос срыватся карисько

Чепецкой МТС-ысь первичной партийной организациын вырысетй звеноз „ВКП(б)-лэсь Краткий курс“ изучать карыны кружок кылдытэмын. Со кружокын 12 мурт коммунист'ёс но комсомолец'ёс дышетскыны мылдыз сётызы. Нош та кружокын партилэсь историзэ изучать карон тужгес ик лямынэ, чем дыр'я занятиос срыватся карисько.

Коммунист'ёс но комсомолец'ёс, асьсэлэсь идейно-политической уровеньзэс Жутон понна сюрмакынтэенызы, занятиосы лыкто дасяскытэк. Тани 15 но 24 августэ соос кружоке лыктызы партилэсь историзэ лыдытэк. Нош 31 августэ кружоке лыктызы 2 мурт:—МТС-ын 5 мурт ужасьёс пблысь 1 мурт, нош сельсоветын ужасьёс пблысь одйгез но 03 лыктэ.

Пужмезьской сельсоветлэн исполкомезлэн секретарез Максимов кружоклэсь пегзиз, со ббрсый зоотехник А. Г. Русских. Нош Макарова коммунист, прочэс 03 лыкты но асказ лыктыса вераське, что „мыным туж кыдэкин МТС-э вет-

лыны кружоке, соин ик 0й ке но ветлы помре ик уз луы“ шуэ. Малы бен кружок'ёс срыватся карисько но кин бордын муг'ёс?

Соля ответ сётыны луэ таёе факт'ёс вылысь: 31 августэ кружоке коммунист'ёс но комсомолец'ёс лыктымтэ соин, что МТС-лэн помполитэз Я. Ф. Черепанов эш ачиз способствовать карем соослы. Тинь малы кружоклэн срыв'ёсыз луыло, кивалтись коммунист'ёслэн партийной уставез соблюдать карымтэнызы. Черепанов эш яке обыдыны жалья, яке кышка но озы шуэ „нош мар каром соосын уг тодыськы. Яке обсудить кароно соосты, яке витёно“ шуыса улэ.

Таёе факт'ёс районамы первичной партийной организациосын туж уно. Соос луыло соин, что асьсэос кивалтисьёс способствовать каро срыв'ёслы но партилэсь уставзэ нарушениослы.

ВКП(б)-лэн Кезской райкомез таёе факт'ёсты обсудить кароз но кулэ луысь ужрад'ёс кутоз шуыса малпасько.

П. Вельков

Пичи фельетон

Кык возыттэм'ёс...

Мур, малпаськыны кутскиз Мария Орлова: Ужано, оло, өвёл... Поломской первичной комсомольской организациез куашкати... Кема ик 0з малпа, пегзё, ай татысь, шабаш уг ужа ни. Малпамын бере, лэсьтоно чик жегатскытэк. Уж мыным окмоз—Орлова асьсэ, ачиз окытис но Полон колхозысь комсомольской организациез аналтыса, Гуркошур колхозэ гажано эшез доры пегзиз.

Мусо эшез шедьтыса Пужмезьской сельсоветысь участковой зоотехники Русских А. Г. комсомольской билетсэ „подарить“ кариз. Русских А. Г. паль потыса билетэз кысыз донгиз но шум потыса зозы сямэн тэчкаса ветлэ.

Одйг кык нунал билетэз возыса, тодаз лыктис, я бен билет шедемын но, таре документ'ёсы'я фамилия комсомольской „билетэ“ уг тупа. Русских А. Г. кема ик 0з малпаськы, ручка кутис но Орловалэсь фамилиязэ чушылыз, со инты аслэстыз фамилиязэ пуктыз. „Ну, табере, пбрми...“—асьсэ ачиз окытис Русских, одйг комсомольской собраниосты но уг кельтылы, нош „билетме“ ке юазы „гуртын шуо“.

Тазы пблэса возыттэм „комсомолка“ быдэс ар, Орловалэсь билетсэ возиз. Кемалась ик 0вёл Пужмезьской комсомольской организациын предвыборной собрание орчиз, отын Русскихлэсь но Орловалэсь таёе уж'ёсэс шараямын вал.

Верано луэ, что таёе уж'ёсты РК ВЛКСМ-лэн ужасьёсыз ар чоже тодыса но, Орлова но Русских „комсомолкасы“ ужрад кутэмын 0й вал. Та факт'ёсэс возматэ комсомольской организациослэн кивалтисьёссылэсь политической беспечностьсэс.

К. Родионов., М. Максимов.

Кезской райфолэн III-ти кварталэ коньдон огазеялэн мынмез сярись СВОДКАЕЗ 1-ТИ СЕНТЯБРЬ АЗЕЛЫ

С-совст'ёс	План	Выпол	%/0	Иньты басыто
Кез . . .	58,7	39,3	66,9	10
Юски . . .	62,5	34,3	54,9	14
Камыжево . .	37,5	16,0	42,7	16
Кузьма . . .	36,8	25,0	68	9
Ст-Сири . . .	34,4	29,0	46,1	15
Тортим . . .	49,6	32,5	56,6	11
Уди	31,8	32,9	103,5	1
Пихтово . . .	21,5	13,5	62,8	12
Пужмезь . . .	58,8	43,4	73,8	5
Стеньгурт . .	23,3	16,8	70,8	6
Сыга	26,3	18,2	69,2	8
Полон	27,1	19,0	70,2	7
Пинькай . . .	26,1	14,5	55,6	13
Ал-дрово . . .	52,2	49,3	94,5	2
Дырпа	28,4	21,1	74,3	4
Озон	34,5	25,9	75,1	3
Ваньмыз . . .	618,5	421	68,2	

Шонертон

78 номеро потэм „Колхоз сюрес“ газетын „Карскулов ответственность улэ кыскемын“ нимо заметкасы 51,91 центнер инты, 15,91 центнер шуыса лыдзоно.

Прогульщик'ёсын кужмо нюр'яськоно

Асьме партимы но лично Сталин эш асьмеосты котьку но дышетэ, что обстановка изменениос луэмен чошик, котьку классовой тушмон'ёс асьсэлэсь тактиказэс но вошто, соин, чтобы кызыке но социалистической родинамылэсь кужымзэ лямытыны, партиен но правительствоен кутэм закон'ёслэсь палэнскыны, котькыёе лазейкаос шедьтыса государственной из'ян лэсьтыны.

Партия но правительство асьме родинамылэсь кужымзэ эшшо но юнматыны но трудящейся калыклэсь улонзэс узыр лэсьтыны, нуналтэсь сюрмакыса. СССР-лэн Верховной Советэзлэн Президиумезлэн 26 июне потэм Указэз, асьме странамылэсь кужымзэ юнматонэ но трудящейся калыклэсь улонзэс узырмытонэ, вань трудящейся тысы мобилизовать каре. Нош классовой тушмон'ёс сое валаса асьсэлэсь тактиказэс воштызы но туж каньылэн „ужало“. Соослэсь кылод, что соос партилен но правительствоэн мероприятиосылы пумит 0вёл, трудовой дисциплинаез юнматон мероприятиосты соос дасэсь одобрить карыны. Нош уж вылын соос утчало кызыке но законлэсь палэнскыны лазейкаосты но государственной ущерб лэсьтыны.

Тани Кезской райпотребсоюзлэн „заготконтораез“ сыв'евщик луыса туж „каньыл“ но кемалась гинэ ужа Азанов А. Я. Сое татын умой ужась шуыса дасэсь вал наградить карыны—„чем пек, колхоз'ёсы пота заготконтора лэсьтыны, ужан нуналэн но выходнойёсын лыд'яскытэк.“ Кыёе бен со умой уш'яно „ужасьсы“ потребсоюзын кивалтисьёслэн?

Азанов А. Я. асьсэ „Рабочий“ шуыса нима. Нош учконо ке

солэсь азыло улэмзэ со луэ—кулак, бывшый бадзым вуколэн арендаторез, калыклэсь трудзэ эксплуатировать карись. 1940 аре 14 августэ 7 часэ жыт „заготконторалэн“ валэныз Ст. Сириной сельсоветысь Жернопи колхозэ „заготовлять“ карыны мынэ, отысен Кезэ бертэ 15 августэ 12 час уйин. Райпотребсоюзысь кивалтисьёс уй но нунал Азановлэн „ужамез“ понна солы выходной нунал нимаз вис'яло. Азанов сое лыдэ басытыса 24 августэ „заготконторалэн“ валэныз мынэ колхоз'ёсы „заготовлять“ карыны.

Малпамтэ шорысь прокуратура шарая, что Азанов 15 но 24-ти августэ сыв'ёе заготовлять карон интые, аслыс—эмезь заготовлять каре—нюлэскын эмезяса лумбыт нунал'ёсэсэ быдтэ. Тинь кызы Азанов, 26 июне потэм СССР-лэн Верховной Советэзлэн Президиумезлэсь Указэз быдэс'я. Со табере аслэстыз тактиказэ воштыз, чукна вазь лыктэ, жытазе уйин „ужэ“ быдэс'я. Потребсоюзын кивалтисьёс та прогульщикез мырдэм 31 августэ гинэ Азанов прогул лэсьтыз шуыса приказ гоштызы.

Таёе факт'ёс районамы уно луыло шуса малпано, но шараясь 0вёл соосты. Котькуд организациосын кивалтисьёслы валано, что классовой тушмон'ёс, прогульщик'ёс но рвач'ёс али дыре, котькыёе, лазейкаосты утчало, кызыке но ичигес ужаны но государственной уногес урвать карыны. Предприятиосысь директор'ёс но учреждениосысь начальник'ёс, кужмо нюр'яськоно лодыр'ёсын, прогульщик'ёсын, рвач'ёсын, озы, чгобы али ик прогул'ёслы пум понны. Кезской районамы прокуратураен Азанов ответственность улэ кыскемын.

Прокурор Емельянов.

Кезской районысь прокуратураын

Трифаново колхозысь колхозница Селиверстова Марина Никитьевна, колхозлэн кылдэмзэ дырысен, нуналлы быдэ колхозын трудовой дисциплинаез куашкатыны турттэ, котькыёе колхозной мероприятиослы пумит луыса. Ю октон-калтон дыр'я Селиверстова М. Н. колхозник'ёс пблын агитировать карылэз, что „аран машинаен юн-яне октоно-калтоно 0вёл, а сое салёно болотое, уборкаез ортчытыны сизылоз кыдекин на дыр окмоз, сюрлоен но араса быдэс'яломы“ шуэ.

Нош Селиверстова М. Н. уборкаын нормаоссэс быдэс'ясь стахановкаосын колхозницаосын юн тышкаскылыз, но тазы шуылэз: „Таос нормаоссэс выполнять мед каром шуыса, чукна вазь пото, но, соин ик мыным но вазь потоно луэ“.

Июль толэзе, турын утялтон дыр'я стахановка П. Пе-

ревозчиковаез тазы кышкат'яз: „Тон тазы ке нормадэ перевыполнять карылд, мон тыныстыд кусоен чыртыдэ чогыса йырде кушто.“ Нош 17-ти июль толэзе 1940 аре Селиверстова М. Н. Трифаново колхозлэн председателезлы Перевозчиков эшлы ымныраз мыжгиз, „правленидэс пазыго“ шуыса угрожать кариз.

Вань та антисоветской но антиколхозной мылдыз Селиверстовалэн партилен но правительствоэн мероприятиосылы пумит луэ. Та преступной но антигосударственной уж'ёсыз понна Селиверстова М. Н. Кезской районысь прокуратураен уголовной ответственность улэ кыскемын РСФСР-лэн УК-езлэн 73—стат'язез'я. Селиверстовалэн ужез Кезской нарсуздэн жожен учкемын луоз.

Нарследователь Артемьев.


Кион'ёс лудоосты быдто

Камыжевской сельсоветысь Кельевыр колхозлэн территорияез вылын тырос табуэн кион'ёс вблскемын. 1940 арын та хищник'ёс ыж'ёсты но ыжпиосты 39 йыр быдтызы ини, парсьёсты но парсьпиосты 20 йыр, суро бадзым

лудоез 2 йыр быдтэмын но одйг чуньы кесямын. Кион'ёс пастух'ёслэн син улысьтызы, лудоез кысыкыса нуо. Хищник'ёсты быдтыны понна райзо нохыёе ужрад уг куты, охотник'ёсты уг ысты.

Лекомцев

Отв. редактор Н. ДАНИЛОВ.



Советской Латвынч муз'емез гыро.